

皇明經世文編

皇明經世文編卷之三百四十六

華亭

陳子龍臥子

徐孚遠闇公

選輯

宋徵璧上木

李待問存我

朱積早服叅閱

成少保集

疏

成繼先

議處兵馬錢糧疏

援閩兵糧

臣所以歷年屢捷建功三省者皆士卒服習所致自今以往士愈悉知臣意臣亦愈識士情凡所施行日

皇明經世編

成少保集

援閩兵糧

半露堂

益安妥。今蒙前命，欲臣帶素練舊兵以往，則四十一年閩功，因總督去任，功賞不行，軍信久失，兼有分境之命，徵調更以不便。况前兵俱係故家大族，卽調亦難久留。若臣單身赴任，則閩中素無一兵，必待教練有成，非三年不堪試用。方今大寇在前，勢如燃眉，豈容一日有緩，解禦侮之策，不過足食足兵，而今日之閩又大非昔比。其在編民，絕無干擾，且動稱激變。况欲徵民稅以養兵，其在兵伍，稍嚴紀律，卽甘犯不馴。况欲盡軍法以從事。今處閩之策，須聚素練之精兵。

新舊相兼。務足二萬。先量處未踐功賞三分之一。仍
備糧餉器械以十萬數。仍加編齊訓一之功。將大寇
蕩平。庶海寇知惧而滅。其再犯之勢。山寇斂跡而杜
其作亂之源。然後漸開征歛以儲養兵之蓄。未爲晚
也。俟臣漸練土著有有效。然後撤浙境之兵。安攘之大
計。莫踰于此。伏望命下部議。臣素練之兵。毋離其將。
閩省空置。作何處辦。庶有裨益焉耳。

一請兵二萬者。臣先援閩。率兵六千人。自溫州入興
化。將二千里。山深瘴重。步涉勞瘁。不服水土。沿途病

者已千人。今以二萬計之。甫到彼而病者姑約二千。孤身客地。每病兵留一壯兵調理。計虛二千人。臨陣每十人留一人守軍裝。一人代炊爨。兵共約又虛三千人。由是計之。則二萬之衆。未交鋒而已虛六七千矣。及既交鋒。止得萬有二千。此臣已試之明驗。缺一不可也。

一倭器精利。輕生善鬪。中國之兵。信非敵手。然臣每向輒勝之者。蓋臣以節制當其利器。以分番當其勇悍。今興化島寇將及萬餘。且山寇蜂起。亦以萬計。臣

卽以二萬兵除病者守者炊者外僅有萬二千人。况客兵未諳地利，倭寇慣能分伏，必將抄伏之路。一一按堵，俱不使出。臣之穀以爲臣襲方可進戰，以一枝爲正，卽得二三枝爲奇。又閩兵語言與倭無異，多爲賊應，而浙兵難與合營。此臣所以必請兵二萬也。

一臣所請素練者，蓋因閩事急如燃眉，無暇熟練。今素練之兵見有五千，每人聽其間帶子姓生兵一名。卽可立得一萬。新舊相間，日月之間俱爲有制之兵。如盡募生兵五千，非二年教練無成。是浙兵卽閩兵。

矣臣亦無所施其救急之策也

一臣所以計費十萬者因用舊兵同往須無失信如去歲援閩援江西身經數戰斬首三千官兵白衣在行間者日夜望一介之命今尚未蒙勘覆况浙江原認福建功賞八萬兩旋以總督被逮已解中途而輒還士心寧無失望乎且兵士俱係名門大族各有身新兵此處應領之項用他入也家之累今遠戍福建必優恤安家以二萬兵計之共得六萬兩再量給舊功約四萬兩此所以請十萬之數也今閩倭寇往來無時登犯莫測防禦之兵必二

萬預備之糧須兩年而闔上無庫藏下乏徵輸倉坐空匱之際將士枵腹以執銳此勢之必不能者也

一伏觀 祖宗建設以將領司統馭藩牧司軍餉憲臣司糾察撫臣兵備專司調度一代之制誠爲盡善但職業旣分而協恭者少兵戎以鼓舞爲先臣不過司統馭之職而于兵食餽餉鼓舞之具不能兼運况臨敵機宜在于須臾而有司乖和兵氣所繫至調度之官處臣輕重又有司觀望所在也臣連年歷收徵效者乃總督信任之專假以便宜而弗遙制其機以

故有司信從協心共濟兵民合一之所致也。今閩浙各設提督而兩省事權已分其運籌大臣既已各司一方而臣以武弁職在身先士卒乃兼任兩省欲臣之無掣肘難矣。况兵出于浙而遠事于閩豈爲長久之便伏望 皇上憐將權之日輕機宜之掣肘兵食之不相爲謀勅下廷議亦如往年浙直事例使浙閩兵食事體處處歸一毋顧此失彼因遠遺近方能犄角成功不致延蔓貽害地方幸甚臣等幸甚

請重將權益容兵以援閩疏

重將權益容兵

竊念臣一介武夫節因軍功謬叨 聖寵寄以一而
每切感恩思報之誠勉竭駑駘奔馳之力但照倭奴
驚悍技精須用素練節制勁兵以五當一始爲萬全
其連年調勦隨向克捷者良由軍門嘗付臣以萬餘
教練所致至於統督經過秋毫不犯旗鼓一臨衆莫
敢後雖由恩威並濟而其畏威不怨者又由臣任浙
江台金嚴將領與兵備道協同地方親入衆兵之籍
一切頑梗奸宄之徒逃匿之弊皆得併其妻孥制其
死命故能得其效力今春因破府衛巨寇奉欽依新

此言平海之戰也

舊增募一萬餘名赴閩仰仗天威克收全捷亦臣
初出浙江人心尚屬維繫今任福建與浙江勢不相
屬而見在兵士不過上畏國法及念舊義而已夫以
不相聯屬之勢而加之以遠土思歸之情兼閩中兵
餉計日可乏遂將部兵議分二班止留六千防守秋
汛是亦不得已之計奈何閩地三面濱海前兵分布
三路愈見單弱近十月內節據福清泉漳興寧等處
報稱陸續登犯倭寇二萬有餘緣臣部兵既勢單于
分戍又病傷于久勞十人之中瘡痍過半軍門調度

宣布 天威鼓舞再奮于是水陸已經共奏一十二
捷擒斬焚溺已及三千餘奈何賊日脊至兵力有限
今戰勦不盡之倭尚有萬餘見攻仙遊縣城臣以疲
兵再加選料兵雖至愚亦知衆寡莫敵其應踐班浙
兵又皆爲所隸邑治百計阻撓而沿途設禁不容入
閩無怪乎兵懷故土如驕子而不可用也計今見在
賊數非精兵三四萬不克蕩平欲行赴浙調募旣明
禁于官府又暗制于有司臣以不能制其死命之權
而用思土畏戍之士求必得其效力誠未見其能濟

也。設使奉 旨召集，亦須用舊頭目，恩重法輕，情義聯束，而閩浙山川險阻，又二千餘里，兵衆日行，僅可二舍，亦恐遠不及事。而况有此分限之艱難乎。殊不思八閩萬一不保，亦不免賴浙江江西廣東三省之精兵以圖恢復。與其收功于焦頭爛額之秋，豈如早爲曲突徙薪之計。其間難易輕重，不待智者而知也。又查閩中倭寇，于上年攻破興平府衛之徒，僅五六千之數。今年入犯，則二萬有餘。設使倭再獲利而歸，必空國入寇。夫八閩之禍，不在倭夷而在山寇。與心

腹之間其山賊之消長○待○山○賊○深○連○之○此○林○之○係○清○在○也係于倭寇之有無苟兵力不濟威名少挫倭夷空國而寇于外山寇乘隙而生于內八閩立有土崩瓦解之勢矣為今之計伏望皇上軫念八閩為江浙唇齒財賦相隣之地處臣以統一浙福之責重以節制調度之權大阿之柄務端將領廢法重而心齊威尊而令舉又通以游援之法順其重土之情斯人人樂為效用庶幾其有濟也

經略廣東條陳戡定機宜疏

戡定閩粵机宜

竊念臣本駑駘世受豢養惟所任使務在捐糜暹蒙

皇上置臣八閩授臣專圖功微賞溢力薄任難夙夜
皇皇惟不能仰酬萬一是惧近奉 明旨兼管惠潮

地方及伸威管務蓋畀之至重投之至艱臣自知其
不勝任矣顧惟武臣以滅賊爲義以徇國爲忠臣受
殊恩敢不慕義竭忠以圖報稱竊見各省軍務並設
鎮巡然皆撫臣效謀鎮臣效力猶之股肱心膂相須
而後成功故凡一切軍情悉由撫臣建白而後折衷
于兵部取裁于廟謨指示發縱勝筭具在武臣猶走
狗也驅之則前耳乃今臣在福建而惠潮則隸廣東

仲威營則隸南贛各該撫臣厥有分土事非畫一。謀
豈僉同。搆臣以一身周旋各省三軍門之間。身難分
投。才乏合從。聯遠爲近。幹異爲同。委非所能。亦非所
職也。若臣復拘常調。不盡直言。或情狀未悉。上聞
而訐謨亦難遙度。必俟論定而後從事。其如曠時廢
事。何哉。臣竊以今日之廣東。猶五年前之福建。福建
外患雖重。腹心受傷。猶輕。廣東外患雖輕。腹心受傷
最重。受傷之說甚長。臣不敢引遠。請借福建爲喻。福
建嘗苦倭寇。不啻十年。亦嘗設鎮巡計兵食。日不暇

給而卒無尺寸之効亦以實情未盡上達而處置未盡得宜也。至都御史游震得譚綸據實上請乃發內帑先後共五十萬金許募臣素練之兵二萬餘衆鼓行入境戎心已寒易若發蒙順如破竹。海倭山寇以次蕩平。繼而都御史汪道昆與巡按御史陳萬言協謀調度會計軍儲易置將領至此三更方略然後閩事粗定大病始除此已然之效也。臣于上年追勦吳平殘黨深入潮州地方則見編戶逃亡賊巢聯絡臣詢其故厥有由來。蓋潮惠去兩廣軍門遠在數千

里之外。此中脫有嘯聚。官司多不實聞。率以招撫爲善謀。以羈縻爲完策。旣入其筭。或又聽地方報仇。或自復誘致要賞。上旣無信。下自多疑。以故招而屢叛。叛而復招。遠近效尤。其不爲盜者幾希矣。兼之責任未明。章程無定。兵食訕乏。郡縣恣睢。卽能如救閭者。救之猶惧未易爲力。故臣不敢以出位爲嫌。條陳十事。倘蒙采納。見之施行。使臣有展布之期。或可收實用之績也。

一定廟筭。臣聞未戰而廟筭勝者多筭也。多筭固用

兵之所貴矣。然必先知彼而後可以語筭。賊情不察。廟筭何由定哉。惠潮之間。盜賊充斥。非其性殊也。盜賊初起。若火之始燃。有司能預戒而撲滅之。易易耳。顧任茲土者。隱忍而待之。致釀其頭角已成。羽翼增眾。却乃屈體求賊。以成招撫。又或賊巧布私賄。以堅招撫之議。甚者損民產以授賊業。遣職官以質賊巢。惟圖苟免。一時不顧遺患四境。此有司因循之弊也。及其計難掩覆。或又重購寨賊。輕調鄉兵。紀律不明。機宜不審。驅之浪戰。一戰而敗。復求彌縫。張招撫爲

奇功。稱寧謚以掩罪。任其鋪張。莫之究詰。及賊出劫如故。又從而爲之辭。不曰激變。則曰仇殺。此甚者劫虜命吏。攻襲城池。只令縛獻。么麼便可塞責。大慙首惡。猶或論功。此有司蒙蔽之弊也。及或有實心聽撫之賊。捨戈戟以事耕樵。官府明與要盟。給牌票以爲執照矣。而又爲附近塞堡之民。乘其稱撫無備。截路擒殺。不容到官。而撫賊以情告官。告吏。又畏庇賊之嫌。置於不問。且有一等有司兵將。欺其聽撫解嚴。復掩襲以爲贖罪立功。遷轉之資。于是撫賊不得不又

情形甚惡

稱變。是其始爲賊也。雖習染之非。而使其終絕自新之路。卒老死于賊者。亦誰之罪哉。此盜賊怙終之情也。夫既有招撫信照。而又貪功報私。激之使變。孰若不先招撫之爲愈。與其賊勢方張。而乃屈已求賊。澆懇就撫。孰若不激怙終之爲得哉。且臣聞招撫者。亦以赤子無知。脇從罔治。體朝廷好生之德。許其革心改慮。咸與維新。未聞大憝首惡。亦德而撫之。撫而復叛。又德而撫之也。夫盜賊干紀。典刑具存。乃今知有招撫而不知有典刑。是餌民爲賊耳。卽如臣所親

歷揭陽海豐二縣爲大巢者三，皆爲惠潮亡命所據。綿羊地方方五十里之內，爲大寨者不下什數，皆咸稱撫民，其實江閩亡命。據良民之田廬，據良民之妻

此篇可爲

今撫陽右地子。安然坐享，莫敢誰何。揆厥所由，寔有司以此委之

耳。夫有司視盜賊如驕子，視良民如路人，爲良民則有屈莫伸，爲盜賊則無求不遂，彼何憚而不爲也。始而一鄉，漸至一縣，始而一縣，漸至一州，趨利如流，勢必所至，民間生業日荒，正歛日急，方諸盜賊，苦樂懸殊，兼以劫于盜賊之積，感誘於官司之無恃，知不從

賊將不免于死。於是去而從賊者日益多。而賊黨日益盛矣。卽不從賊。亦皆不納糧。差不服勾攝。以爲故智。有司將計食。則一城之外。無供輸者矣。將舉兵。則四境之內。無可信者矣。夫釀患若此之久。失事若此之頻。使在近地。通都。不能無煩宵旰。徒以孤懸僻遠。迄今始聞。皇上不以臣爲不才。使得當事。臣安敢因循蒙蔽。復蹈故轍乎哉。或以臣擁虛名。可以遙制。臣自料權力不能加于兩廣軍門。兩廣軍門具文武之材。負當世之望。獨以地里寫遠。未易奏功。使臣

徒恃虛聲不求實用。鮮克有濟。或謂臣有偏裨。可以分遣。顧閩中官兵。一一乞假于鄰國。且各有信地。難以舍己之田而耘人之田。或謂廣中久恃狼兵。可以調用。兩廣用兵故事。賊之初起。恆以地遠不聞。事聞而後計兵食。兵食備而後調狼兵。遷延半年。狼兵未至。賊已稠載歸矣。狼兵跋扈不馴。行止自便。未及旋踵。賊復出巢。此往事之可鑒者也。故臣請先定廟筭。有二策焉。其一先矚有名大寨。計若干處。倡亂首惡。計若干人。臣舉銳師連破數寨。軍聲已振。仍還福建。

日後賊起又復起兵。卽是廣東大征之例。亦一道也。但兵微則賊復起。譬之春艸。旋燒旋生。惟或臣于未入境之時而條議。奉有欽依之旨。先行有司區別各縣。某都某畝爲賊。某都某畝爲民。某某赴縣報差。某某負固不服。容臣會同撫按宣布。朝廷威德。播爲告辭。務盡下情。昭明信義。徧揭境內。曉諭通知。自臣不借重兵之勢。屢勝之威。萬無撫理未入境以前。不論爲賊爲民。已撫未撫。有罪無罪。悉與前除。然後臣握重兵駐潮州府。先令近縣鄉邨樓寨俱着的名寨長。開具本寨戶口。若而人。事產若而

人。縣官赴鎮巡衙門親遞執結。田土作何開種。里甲作何應役。糧差作何徵科。定籍在官。寨長每月赴縣遞結。果能一一遵守。卽爲良民。如或抗違。卽係賊黨。仍再差人曉諭不服。然後發兵加誅。旣已復役在官。如有仇民稱兵阻殺。比照邊方誘殺撲殺勾惹邊釁之例。一體處治。凡此復業之家。暫免賦稅。一面擇任良有司。勸課耕種。使一二年後。漸有收穫。方議輸納。以漸而供軍儲。一面分布將領。選練丁壯。克爲土兵。以漸而減客戍。此則一勞永逸。可爲千百年休養之

圖矣。

一專責成。臣聞兵貴神速，不聞巧遲。差之毫厘，謬以千里。惠潮故稱盜藪，軍門遠隔蒼梧。軍書往來，不啻兩月。移檄甫至，機事屢更。臣前已言其不便矣。不特此也。人情一日不再食，則飢。而將士待哺于兩月之外。以故水陸悍卒，或致脫巾。未必皆悍卒之罪也。古之爲將，賞不踰時。將士決死于呼吸之間，而候賞于兩月之外，人必不勸。未必皆將兵者之責也。軍機所乘，迅雷不及掩耳。而責成于兩月之外，師出無功。

亦未必皆不善戰者之過也。故居蒼梧而策惠潮。猶之汲遠水以沃近火。斷斷乎其難濟矣。近如福建。臣駐省城。日與軍門監司。朝夕謀議。卽有緩急。聞警輒行。一切軍需。無不具備。軍門居中。則監軍代將。監軍處守。則軍門視師。分任各道。責成有司。機宜何如其速。操切何如其密。吏民則又以臣任事日久。頗効微勞。執禮輸誠。曾無齟齬。是以上下一體。血氣周流。文武一心。臂指相運。兵咸感奮。出必成功。良有以也。夫臣之願竭忠于 皇上者。非有擇于閩與廣。則 皇

上之所以用臣者。亦以視閩者視廣。而後臣之收功于閩者。不至致罪于廣耳。乃今役臣于境外。而無所附麗于軍門。臣一武夫。何益于事。縱蒙特出簡命。假臣便宜。惟有罰逗遛。禁騷擾。則臣所可自盡耳。然必信賞而後罰可必。亦必足食而後禁可行。至于節制有司。調度錢糧。雖兵備海防。使非素有風力。實心任事。亦多掣肘。况臣名位徒重。事權本輕。又安能爲有無也。以今益臣信地。乃在三軍門之間。將以專責屬之南贛軍門。疆域不更。調度不便似矣。而錢糧仰給

于廣省。必不能舉全省之力以應之。未可也。將以兩
廣軍門寫遠。暫時移惠潮。竊恐舍堂奧而出戶庭。不
能無却顧之患。未可也。將謂暫以惠潮屬之福建。則
福建軍儲不能自供。客兵皆出召募。爲已猶或不足
兼濟。必非有餘。未可也。或謂改設總督于南贛。以專
之。或謂暫付福建軍門而歲議兵糧助之。或謂廣東
暫設軍門事。寧別議。事干大計。非臣所敢妄言。但臣
之責任。分于各省。徒依阿于未任之時。不責寔于既
任之後。則每事掣肘。動輒得咎。臣固不敢自蹈前車

是年復設廣東巡撫以李佑爲之

之覆激而進之。亦不過挺身行陣而決一死以塞責耳。夫何益成敗之數哉。如蒙勅下該部先議惠潮及仲威營務。應屬何處軍門。庶使撫臣得畫地以協謀。而臣亦得因人以成事矣。

一設監軍。照得福建用兵。調度則在軍門。紀察則在巡按。統兵則在將領。處置軍需。稽察利弊。則在監軍。各任其職。戮力同心。始克底績。惠潮去兩廣軍門既遠。去廣東省會亦遠。有事調發。則錢糧器械。不免取辦于有司。苟無專道監軍。必至玩愒悞事。乞照福建

事例設立監軍一員。臣在閩則福建監軍同事。臣入廣則廣東監軍同事。居常則料理錢糧繕治器械遇警則隨營督察轉運供需。然軍旅之才與俎豆之習稍異。應變之具與守常之士不同。必得其人。乃爲共濟。乞勅下該部務選見任閩廣中素有風裁練習軍事經歷戎行之人。以克其位。

一置將領。臣叨主將之任。領兼攝之司。必居形便而後可以握機。必擇材官而後可以分職。自今籌之。臣居閩則廣事難于遙制。居廣則閩事不無後憂。竊計

春夏急在備倭。宜居閩省。秋冬利于勦賊。宜住潮州。若非分任得人。未免顧此失彼。卽今任將之善。宜莫如閩。三路五寨。各有司存。行都二司。互爲出入。鎮巡標下。並列將材。然皆兵部詢謀僉同。選擇而使。今之在事者。又皆臣與原任巡撫都御史譚綸在浙儲養之士。及今撫按交章薦舉之材。故足賴也。潮惠及伸威營。視閩信地更廣。積寇倍多。任用將官。惡可不慎。乃今惠潮則有守備。潮惠則有叅將。伸威營則有叅將。有總兵。無食無兵。徒擁虛號。故無成效。况臣通計

信地不下數千里。而責成一。人。使非知人而善任之。孤立何濟。臣請惠潮各設守備一員。仲威營叅將。照舊添設分守惠潮。仲威營副總兵官一員。駐劄潮州。各該守備叅將一聽副總兵官節制。副總兵官仍聽臣節制。其各部兵馬。聽臣分撥。大略皆照閩中事規。各官皆以浙閩歷戰有功者克之。見在人員。另議別用。如此則將領皆一時之選。而閩廣如一人之身。卽臣居廣居閩。惟其所在。小警則隨地勦捕。如遇廣警勢大。則臣盡移閩戍。併以應之。臣親赴援。動舉全力。

篋不濟矣。閩兵入廣。工食錢糧。取給于廣。廣兵入閩。工食錢糧。取給于閩。唇齒之邦。互相依附。計之便也。一用部兵。近該臣入潮惠。未見彼中一兵詢之。民間則畏廣兵甚于畏賊。謠言賊猶梳也。所過猶有所遺。兵猶篋也。過則無遺矣。廣兵有四。或鄉兵。或募兵。或賊兵。或狼兵。未練鄉兵。遇民則行劫。遇賊則先奔。募兵皆出烏合。賊之間諜。參半其間。彼中謂在昔將官。往往引狼入室。斯言雖小。可以喻大矣。賊兵則以賊攻賊。古之人皆用之。然必元氣盛。然後可以張吾之。

積威。積威張。然後可以制彼之致命。何謂元氣親兵。

自得賊兵而能推心用之者皆恃此人自是為大度

是也。彼知吾能使之生能使之死。於是莫不洗濯以

耳

追死。而黽勉以求生。此而用之。誰曰不可。顧親兵一

無足恃。赤手而用賊兵。股大如腰。必至不掉。變生肘

腋。流禍無窮。其不可也必矣。狼兵玩事日久。觀習日

非。調發愆期。去留由已。所過鹵掠。慘不忍言。曾未聞

軍法一行于彼也。兵驕如此。將安用之。誠知兩廣必

不可廢狼兵。要未可恃于今日耳。昔廉頗為將。必用

趙人。今必用臣。非用素練之兵不可。但聞募兵于浙。

浙人猶多阻撓。將欲移兵于閩。閩地孰與防守。乞勅該部申諭浙江軍門。開募兵之禁。俟廣東錢糧到日。容臣親詣。衢溫處等府。選募節年。經臣訓習。曾克兵者子弟三萬。每名各給安家銀三兩。約以三年爲限。方許下班。舊部材官。除各衛所見推管事外。其餘閒住及空閒者。容臣取用領兵。緣臣居浙七年。儲養亦多壯士。與其弃之無用。孰若相濟成功。是卽謂必用趙人而不難于責效矣。然徵兵于浙。又必取道于閩。蓋江西素未調兵。難與慮始。閩中自昔多事。安不

志危。大兵經行。亦足彈壓。萬一警急。又得借而用之。是爲廣亦爲閩也。且在閩則春汛重而秋汛輕。在廣則春瘴不可入山而秋冬方解。如遇廣事重大。容臣知會福建軍門。候防秋汛無虞。亦可借調入廣。卽以閩省監軍督往。至冬畢撤兵還閩。是則廣于有事之日。可以借力於閩。閩于無事之時。可以資餉于廣。相濟而非相厲矣。

一復舟師。臣惟芟艸必除其根。治水當從其源。漢臣諸葛亮先定南中而後北向。用是道也。故欲求內治。

皇明經世編

戚少保集

卷之一

一

核定陶
粵札宜
六
平西歸堂

之安必先除海上之盜。猶蜀之南中。水州之根源矣。廣東舊設水寨。沿海衛所官軍。坐駕鷹船。備非不周。法非不善。邇因柘林水兵之變。遂議罷之。是因噎而廢食也。或謂選編海上商漁船隻。分爲二班。一班殺賊。一班生理。不爲無見。但此船自駕。必挾已賞遇。賊則利害切身。人各爲戰。故戰無不利。一偶于官。于已無復利害。兼之粵中調用水陸兵。則功既不賞。敗亦無罰。皆由官司無有主兵。勢不可行。相沿已久。倣倣日甚。惟張虛聲以費官帑。誰肯捐軀不測。以圖實效。

哉欲用此輩。必須設有巨艦。握有重兵。必得質直有
幹廉靜無求者駕馭之。然後彼爲我用。假令孤立無
威。而盡置反側于左右。驅之蹈重淵。臨鋒鏑。雖馭不

失其道。食不違其時。抑且不能矣。况未必然耶。又照

鳥尾船雖大外少牆壁。內多柵蓋。櫓人難立。火攻易

世傳海戰無他法。大船勝小船耳。然往來接濟。又不
可純用鉅舟也。

燃。必須用福建白艚相兼互進。此南灣已試之明效

也。爲今之計。相應亟爲南澳善後之謀。福建設水兵

把總一員。充爲南灣東路。廣東設把總一員。充爲南

澳西路。仍以叅將一員。統領駐劄大城。其叅將把總

必須會于閩浙習服舟師條約實心已試之人每寨各造大小船隻六十號各用水兵二千五百人造船置器募兵支糧在閩屬之巡海道在廣屬之海防道西路卽坐潮州橋稅先儘水兵工食船隻器具每年額費之數支給其支糧規則以照閩例如遇賊衆船少在閩則調刷月港等處船以益之在廣則調刷烏汀等處船以益之事畢卽散如此則我之節制舟師居什之七借用船隻居什之三我重彼輕然後可責其用命仍定信地在閩則舟駐玄鍾北至浯與爲界

在廣則舟駐柘林。上至惠州盤圓港爲界。廣東南頭船隻仍舊專備。省城東接盤圓港。西量移上西海地方。如此則海防豫修而疆事克舉矣。

一議軍儲。臣計潮惠地方。萬山接聯。背身道荒林。而兵生賊熟。以攻圍之略言之。堂堂交鋒之陣。雖有限。諸路把截之用。則尤多。正陣之外。必設奇陣之備。庶敢深入而不爲奸賊掩伏所中。故戰無不捷矣。除把截則臨事酌量山川形勢。賊情衆寡。措調鄉兵外。其節制之兵。約非三萬不足以成功。每歲糧食功賞軍

火藥器械非銀三十餘萬不足以供應。臣聞廣東養兵之格。日給口糧二分。行糧幾厘。蓋彼中常調狼兵。每以五百爲千。五千爲萬。自號虛數。不服點查。官司雖減其口糧。而彼以二人之養養一人。彼于計亦得也。行糧皆入頭目之手。而各兵分行劫掠以給饔飧。官司雖減其行糧。而彼侵收于一人。彼于計亦得也。臣在浙福。每兵日給口糧三分三厘。行糧一分二厘。徧查事情。猶若不贍。蓋臣兵列處。先聽監司查點。一非初。厚終不能。其缺類與。而推也。名不虛。經過地方。秋毫無犯。故與廣東所處不同。今

臣入潮惠各兵口糧行糧應照浙福事仍必處三年之食使無却顧之憂然後臣可以一意用兵如前所陳未議可勦則勦可撫則撫及境內事定亦如福建故事選練土著漸減客兵蓋師行糧從今日第一義也乞勅該部從長議處預待支給臣若冒破官帑而無成效臣之罪也。

一 議賞格臣聞重賞之下必有勇夫廣東賞格賊首一顆賞銀一兩此所以待賊兵待狼兵而非所以待節制之兵也今募浙兵依臣紀律在伍必稽其實數

沿途必禁其騷擾。臨陣必責其成功。兼之不計奇零。不殺被虜。不蹈妄冒。諸弊得級一顆。止賞銀一兩。安能致其死力哉。查得浙江倭功。每顆給銀三十兩。從賊十五兩。福建倭功。一例給銀三十兩。從賊雖十五兩。今止見給五兩。上班下班。則省城有犒。過州府。則有司有犒。衝鋒則有懸賞。陣亡則有衣棺。戰傷則有藥資。病故則有優恤。此又閩中之加厚。客兵而用爲鼓舞者也。今調入潮惠。視閩又遠千里。賞格縱不加厚。亦不宜反薄于閩。臣謂廣中所用之兵。宜分三等。

如用賊兵則給行糧而無工食功級准與贖罪而量
賞花紅如用狼兵仍照狼兵之功賞糧餉若彼能聽
臣選閱受臣約束亦以浙兵之例待之但所調浙兵
一切功賞優恤必如閩中事例如此則兵心感悅而
無不用命者矣

一正體統竊惟統萬衆如驅一人必以刑名分數爲
務今之用兵統督征勦固在將領分任責成猶賴有
司必須文武協和方能濟事臣在福建幸而撫按同
心無少扞格有司觀感相與共成凡茲尺寸之功誠

非一手一足之烈也。今兼潮惠其事猶難。蓋倭患來往有時。一經蕩平。其禍遂寢。似無事于有司矣。山寇出則爲賊。退則爲民。必撫剿互施。相機而動。其安集撫循轉輸策應皆屬有司。假令偏拘阻撓。鮮不敗事。伏乞勅下該部議定文武相承體統。武職自副叅遊。福廣三都司文職自知府以下。如何節制。凡臣所行。係于軍務有司務。要着實奉行。府佐縣正等官聽臣從宜委用。如有抗違阻撓。及違誤軍需。隱蔽賊情者。容臣提送軍門施行。必與臣處斷。該管上司勿得偏

護撓臣行事。又照臣叨十五府三州地方之寄，與各邊畫守數百里之總兵不同，臣從事于三軍門之間，與一撫一鎮事體埒一者不同。今皇上旣以出格責任付臣，亦乞以破格事權處臣，伏乞另降勅諭一道。天語叮嚀嚴重，務要文武官司從實遵守，庶使臣得以展布，如此而不效者，臣之罪也。

一假便宜窺照山寇之起伏無常，軍中之機宜貴速，因敵轉化，其形莫窺，或撫而示之，剿以奪其心，或勦而示之，撫以緩其計，或致賊于榻下，而與之共臥，或

餌賊以餽遺而離其腹心。或特懸轉化之權。或佯責有司之失。凡諸間諜。不避嫌疑。伏乞 天語開示。同事大小。諸臣容臣。得以便宜從事。倘機事方密。功用垂成。毋倡流言。以報私怨。使臣無所顧忌。庶能勇往成功也。

皇明經世文編卷之終

皇明經世文編卷之三百四十七

華亭

陳子龍臥子 宋徵璧尚木

編輯

徐孚遠闇公 李待問存我

朱 積早服參閱

戚少保文集

疏

戚繼光

上應詔陳言乞晉恩賞疏

隆慶丁卯
為閩浙將士訟功

伏覩 詔書內一款各邊將士立有戰功往往勘覆

稽遲賞不足勸都察院便行文各該巡按御史將嘉

靖四十五年十二月二十六日以前未勘報功次俱限三個月以裏勘覆如有遲緩卽行參論欽此欽遵近該使臣捧到恭行閱讀萬姓歡呼三軍鼓舞仰惟皇上龍飛初政首念邊陲鋒鏑微勞致勤勤覆申勵臣節博詢直言內外臣工仰承 詔旨莫不傾心陳力而廝卒之微咸思奮効于邊疆臣竊一方將領思叅有年敢不奉揚 德意以圖報荅乎恭惟皇上深念有功將士勘覆稽遲以爲賞不足勸矣然勦限雖嚴南嚙萬里日月有明覆盆難照臣每念及

此忽然忘生、掩功冒賞、臣罪實重。何者？臣本愚昧武夫，世叨豢養，嚮使倭變以來，兵食調度、戰勦機宜，盡出臣身，無與于人，猶不足以報。聖朝萬一況祖

宗制典昭昭具在，錢糧辦于有司，協力繇于各道，調度有軍門，激揚有巡按，運籌屬之本兵，綱維存乎元宰，而天威則藉于朝廷，由是諸將效勞，士卒用命。

臣惟職司鼓旗，初無遠略，終鮮奇謀，徒以謹守節制

文成 追松 江右 有功 將士 疏同 音

此與五

訓練成功，第當時調度協力之臣，至今未沐甄收，陣亡汗血之士，至今尚缺恤錄，故未賞之功與不均之

賞皆由一人掩冒所致。夫冒朝廷之賞而逾其分，臣之所大懼也。掩衆人之功以爲己有，臣之所不爲也。故日夜憂惶，良心發見，不能自己。臣謹先以未賞之功言之。浙江爲東南財賦之區，承平日久，民不知兵，頃緣奸商勾引，倭奴犯順，自嘉靖三十三、四等年，變起倉卒，所至皆靡。府縣乏訐謀之長，衛所缺訓練之兵，一時當事之臣，悉從權宜之計，遠調湖廣、山東、河南等處狼兵土目，雖亦節有成功，而狼子野心，終難控馭。沿途剽掠，甚於盜賊，萬里愆期，寇去兵至，師

無紀律。緩急不濟。繩之以法。則怨而犯上。寵之以恩。則玩而殃民。且使蠻夷習知中國之勢。或生窺伺之心。此臣之所以深思遠慮於原任浙江叅將之時。而有訓練土兵之說也。夫容寓之兵。既不足恃。而燃眉之急。又不容緩。於是具呈督臣胡宗憲。撫臣阮一鶚。以爲十室之邑。必有忠信。堂堂全浙。豈無材官。誠得浙士三千。親行訓練。比及三年。足堪禦敵。可省客兵歲費數倍。二臣深然。臣計俾臣訓練土兵。未及一週。而舟山已告急矣。然驅福建之水兵。而使之陸戰。用

流寄之雜卒，而責其卽戎，且號令未明，士卒未附，雖韓白爲將，有不能成功者，如臣駑鈍，安望其能克捷哉！然能因敗爲功，而練兵之說，已有端倪矣。故于創艾之餘，深求古法，再加練習，以圖後功。三十八年，倭寇數千，突犯台州沿海地方，上下五六百里間，烽烟連亘。臣前後三戰，斬獲首級八百餘名，殲地方底軍。此皆臣與前任浙江海道副使今陞兩廣總督譚綸所練浙兵，並無一客兵預之。其初戰章安也，則有首功盧奇等，陣亡吳元倫等，再戰葛埠，則有首功婁楠。

等陣亡楊貴等三戰南灣則有首功胡貞瑤等陣亡者無督臣奏捷臣與譚綸俱各叨賞自偏裨而下至於陣亡之士未蒙勘覆優恤臣於此時已負愧無地矣。是年秋罷臣舊兵使往義烏會同今陞僉事被論回籍知縣趙大河召募選練大河在任忠誠義氣正而不迂廉潔厚重仁而有勇民心風偃義士雲集卽呈蒙軍門准將大河監軍協臣教練以故臣得展盡底蘊法立令行力齊心一皆大河聯屬指示之功也。教練二年臣陞台金嚴叅將駐劄台州與今回籍原

任台金嚴兵備僉事唐堯臣共事仍以大河監軍四十年倭寇大至該堯臣調度機如轉環策無留畧分投勦寇親自當鋒比被倭賊預布奸黨于台州府城內約以入城後晡炊城中不知也臣已督兵徑勦寧海縣之倭宿梁王舖聞台州告急星馳一百五十里褫腹反救卒遇城下一鼓盡滅于是有花街之捷城中炊餉未熟而賊已授首矣比時首功者朱珏等陣亡哨長陳文清等也五月初五日白水洋倭衆二千臣將兵至有一千三百大呼奮擊焚斬殆盡于是有

白水洋之捷、比時當鋒首功者楊世潮等、陣亡者陳四等也、五月十五日藤嶺之寇二千有餘、據船依山、未易遽勝、臣率衆誓天、願救回被虜男女、不重斬級、衆皆感泣、一鼓滅賊、救回被虜一千有奇、于是有藤嶺之捷、其餘小捷、凡賊不滿數百、功不及數十者、臣不敢瑣瑣贅聞、俱該總督軍門題報訖、惟以臣不通權臣嚴世蕃之故、遂使士卒之功未蒙勘覆、已而江西被廣東南贛山賊流突、動經數萬、該總督軍門調臣督原兵往援、四十年十月十七日到弋陽、賊去縣

一十里而壁，臣兵夜發，一鼓馘其頭目，賊大敗遁走。又追至新城胡坊，各賊俱遁回廣東、江西、悉寧。臣方班師，比時首功者陳大成等陣亡者胡文忠等也。亦以臣執論軍機，與江西巡撫胡松不合，遂不錄士卒之功，不與首級之賞。該領兵等官具奏奉 聖旨：該部行催未理。四十一年，臣回原任。五月二十五日，倭犯水桶澳，臣復督前兵，不崇朝而滅之。比時首功者王如龍等陣亡者無。該總督軍門題訖。嚴世蕃亦以前嫌未蒙覆勘。本年福建倭賊屢破縣城，該總督軍

門遣臣統領原兵入援。以副使王春澤監軍。七月三十日行至福寧州。該福建監軍副使汪道昆邀臣于境上。是時倭賊土寇北自福建福寧沿海南至漳泉千里蕭條。盡爲賊窟。附近居民反爲賊間。始雖畏威而脇從。終則貪利而導引。彌漫盤據。閩事已將不可爲矣。其原破寧德縣。倭賊結巢寧德縣海中懸山峯橫嶼者數千。居民亦爲之向導。據是島者已三年矣。臣率各兵剪披荆棘。觸目毒露。進至寧德廢城。對天誓減。臣犬馬年。以先撫脅從之人。緣橫嶼在海中。去

岸五里潮來成海潮退成泥尚隔深港五道各兵涉泥匍匐而進一鼓而滅克復寧德比時首功者胡守仁等陣亡者陳文彪等也各兵役久因見福建山溪險惡鳥道攀援欲遵軍門原示急于告歸緣監軍王春澤閩人也汪道昆原任義烏縣知縣各兵舊父母官也互相獎掖激勵誓與臣等共滅此賊臣感二人之義又督至福清八月二十九日到縣該日倭山二寇數萬逼城壁于牛田臣卽于九月初二日出師各兵奮勇斬首六百七十二顆焚溺不計賊遂敗遁比

時當鋒者王如龍等陣亡者無前賊再結巢于興化林墩地方彼地四面皆水中惟石橋可渡臣督兵十三日到興化本夜出兵倭寇悉衆據橋臣力督官兵戰奪此橋臣兵一哨三十六人爭橋盡皆戰死二哨再進戰亡一半兵衆少却臣手刃哨長劉武九十二各兵復進遂奪橋而過賊大敗溺死者萬餘人斬首二千二十三顆又追至窰頭一鼓盡滅于是八閩之寇俱平矣臣回兵至福清縣又遇新倭雙劍潭者率倭萬衆先領親倭三百餘徒初五到牛田以待後倭

齊而深入，臣又獎率疲卒復戰，倭猛噐精，六戰而後敗之。登時盡滅。比時當鋒首功者陳子鑾等，陣亡者傅昂等也。隨有倭寇萬餘齊至，汪道昆深以爲憂。臣謂浙江總督汪道昆，鄉人也，素重汪道昆才望。如能徃浙乞師，臣不惜死當復入閩中，必期盡掃此奴。汪道昆毅然請行，相期以死報國。比至浙江，胡軍門已被論逮京，該接管巡撫都御史趙炳然改爲提督，未肯遣援，賴趙大河曲處以行。軍至福建建陽縣水吉地方，首有山賊八十餘徒，該汪道昆駐軍于彼，俟臣

到議曰大軍如不滅此而行。山寇將謂我專勦倭。迺後當大肆逞况各巢倣效益滋蔓矣。乃願自將邀臣同擊。卽于二十三日未時發兵。一鼓殲之。比時衝鋒首功者丁茂等陣亡者朱雲山等也。已經題捷。未蒙勘覆陞賞。臣未至聞之先。中路倭寇旣陷政和壽寧二縣。各據海濱以爲歸計。臣督兵至省。會新任提督軍門右僉都御史譚綸入營分布。二十一日大戰。賊通共斬首二千四百有奇。比時衝鋒者婁子和等陣亡者金距等也。原破政和壽寧二縣之倭。移屯連

江縣馬鼻地方，臣等又移軍向彼。六月初二日到縣，初三日馳六十里至彼，殺溺無筭，衝鋒者陳祿等，陣亡者陳遠等也。其遁至寧德縣肖石嶺者，臣復力疾督兵出入茅谷之中，蹶石踰險，登時盡收。衝鋒者徐壽筭陣亡者陳忠孫等也。于是恢復一府二縣，而入閩，倒懸解矣。入冬倭寇復至，幾二萬，徑困仙遊，勢在必取。該臣等請兵于浙江軍門，至十二月乃得兵。二十六日一鼓而劇寇大敗，城圍遂解。通連上邇等處斬首一千有餘。比時首功者胡守仁等，陣亡者何常

等也。倭至同安縣王倉坪。又該臣于曠野之地。日午列陣大戰。比時衝鋒者王如龍等。陣亡者無時。尚有倭七八千。遁至漳浦縣。因有內應。期襲縣城。于旦夕間。該臣十五日督兵至彼。次日卽與賊戰。蔡陂嶺。蕞菁萬頃。倭伏于內。兵法所謂兩鼠鬪于穴中。三鼓而後勝之。臣斬不用命者三人。乃收全功。比時血戰者張元勳等。陣亡者李加珍等也。自後倭寇脫歸者。始知犯華不利狀。於是乎倭寇不敢復窺入閩矣。又山寇吳平侵亂地方。該臣督兵于南灣。勦滅南灣者。閩

廣之交海中、山也。越海而用陸兵、沉船而出死計、對賊爲營、旬日三戰、殲賊幾盡、廣兵少懈、吳平竟以長艫、遠遞交趾、臣又督兵入廣、盡殲其在山賊黨、比時血戰者、李超等、陣亡者、吳六八等也、以後倭之犯東、張大石、鈞、溥、泉、寧、皆勢小、易勦、俱一鼓全殲、不敢瑣陳、于是八閩萬姓、始有貼席之日、無不舉手加額、共祝 聖明、軫念生靈、命將出師、掃除劇寇、天威遠播、地方寧謐、臣等亦得藉口、而追罪矣、今查前項諸臣、王如龍、胡守仁、以功陞叅將、李超、張元功、以功陞遊

擊陳濠楊文傳應嘉金科陳大成以功陞都司朱珏
曹南金以功陞守備內除福建先後功俱已勘報兵
士俱各有陞賞雖輕重不齊比緣各兵不知邦政事
例報不合例無敢他望而在臣實冒濫殊甚也所有
死事之兵與應襲子弟俱未蒙恩而死事者于所劾
勞地方未有祀典所謂不均之賞是也其浙江自嘉
靖三十六等年大小捷臣亦叨自祖職上陞至都指
揮使譚綸亦陞至叅政唐堯臣陞俸一級內唐堯臣
與趙大河皆先後以被論回藉大小將士願賞首級



止各得十兩。紀錄首級雖奉有明旨，並無勘覆。此所謂不賞之功是也。爲照臣部下訓練兵士，原係義烏縣民人，聞聞突起之徒，非受朝廷升斗之祿，非臣世蒙國恩者，比徒以臣與趙大河等論以君父水土之恩，更相勸誘，調集訓練，誓同生死。數年之後，思洽義孚，近討遠援，故每戰輒勝。如臂使指，原彼初心，豈直爲日給三分之圖，乃爾蹈凶犯危，自投必死之役，以求萬一之功乎？亦豈人皆忠義，無所爲而爲者哉？惟望立功之後，蒙朝廷紀錄其勞，俾各有

微職遺子孫。升斗祿以榮妻子。至于死事之徒。明知身喪他鄉。孤兒寡婦有所不顧者。亦望朝廷恤其後人。故棄一身以易世及之息也。又或一等臨陣犯千軍令者。臣立誅而肅然。亦豈臣之力能制其死命耶。良以朝廷威令。及臣平居諄諄功賞之言。有以信而激之耳。故父子兄弟株連蔓引。令重而身輕。勇奮而命賤。否則各守家門。不願赴募。臣以戎官。豈能人人驅而致之行伍之列哉。今浙功七年不勦。而闔賞又獨厚于臣。人將謂臣何。又使其事者悉不見錄。

而有功者逾七年而不課。臣恐自茲以往，無復有樂與臣共事者。臣懼覆敗之立見矣。矧浙閩雖暫告寧，而兩粵見稱多事。臣若不從實陳奏，乞賜明正功賞，以鼓舞人心，而使生者含冤死者暴露，三軍之士將聞而怨悔。臣亦何能撫而用之。必待他日債事而後言。臣固難辭三尺法。其如邊計何哉。此區區犬馬之情，所以不安于心者有四焉。夫南方風氣柔弱，倭寇已十餘年。一旦收烏合之民，而率成底定之績，此非人力實仗。天威。臣乃安享其功伐，此所以不安於

心者一也。義烏練兵。首事如監軍趙大河。汪道昆。同
事如唐堯臣。其人材勞績。臣已言之于前。要之均爲
有功于闡者也。彼皆先後去官。而臣獨濫職如此。所
以不安于心者二也。浙功不勩。與闡賞不酬。其勞者
尚多。死事者未得恤錄。則雖盡奪臣之爵賞。以獎恤
忠魂。猶爲負之于冥冥之中。臣尚得躍馬食肉。而將
士膏塗之茅。將成拱把。此所以不安于心者三也。人
臣之義。無以有已。國家豢養武弁。正爲有事需其
死力耳。况暗劣如臣。幸而因人集事。得保其職。免於

戮辱足矣。且每戰輕袍指揮。未嘗一馳汗馬。乃濫冒將帥階列一品。掠羣力之勞。私于一身。擁朝廷之大惠。而使士卒有不賞不均之歎。臣却又儼然受之。而不辭。此所以不安于心者四也。臣蓄此四不安于心。尚欲領疆場之任。爲朝廷宣力扞禦。且冀士卒之出力用命。則將士必將曰。吾徒捐生拚死。悉爲主帥立功名而已。吾何利焉。他日邊圉有事。而士卒恐解體矣。再照臣本以弁戎。受恩深重。分當守不伐之戒。豈宜爲將士陳功。自冒干譽之嫌。但念漢臣趙充

國破羗而還。人有教其歸功者。充國曰。吾老矣。爵位已極。豈嫌伐一時而欺明主哉。兵政國之大事。當爲後世法。老臣不爲主上言其利害。卒死誰復言之者。臣聞貪人之功不義。掩下之勞不仁。失士心而僨邊事于他日不忠。臣何人斯。敢避矜伐之小嫌。而蹈不仁不義不忠之大罪乎。軍志有曰。該賞而請不賞者。誅。該罰而請不罰者。誅。今將士當賞而臣當罰。使臣不以實請。將何以逃夫公議。伏乞 皇上鑒臣不得已之心。憐將士鋒鏑之苦。勅下該部將臣追奪職

級以爲久肩邊功之戒通行浙江速爲查勘如果臣
言不謬乞將唐堯臣趙大河汪道昆一體查功錄用
有功將士早賜勘覆以憑陞級再乞通行閩浙將先
後有功及死事者子孫應承襲者仍從原營起送各
立功省分轉送赴部照原覈功冊叙次擬陞一面照
各邊陣亡事例于各戰捷地方立與祠祀庶幾遊魂
有歸而免爲中野之號俾災膏不作而永爲扞禦之
屬也已

請兵破虜疏

隆慶戊辰
自任練兵

昔人云中國長技有五此疎後少保總理衙門練兵今乃一無足恃以故醜虜

陵所至無敢當其鋒昔先帝馭將非不嚴綜理非

不密而卒無裨益者以因循久而憚于更張卽有奇

謀不無過忌一也兵食兩乏掣肘多而便空難議論

多而責效速二也臣謹以兵食器用賞罰大計條爲

四事爲皇上陳之如言果不謬授臣以十萬之師

假臣便益方其始集則寓兵于農畝而邊鄙莫窺其

形取給于公家而齊民不病其擾其合也迨途杜驛

騷之害入陣成節制之師驅之爲戰則勝筭在我而

無失律之虞。及其成功。則張弛自如。而無不掉之患。斯士氣日張。而虜氣日奪。然後分此十萬之衆。以訓九邊。九邊之兵強矣。舉此以訓京營。京營之兵強矣。卽布昭神武。問罪匈奴。無不可者。由是冗兵可汰。冗食可裁。移修邊之費。以資供需。撤戍邊之兵。以資訓練。而買馬之費可省。屯田之政可修。非直強兵。亦以富國。一勞永佚之上計也。次者與臣五萬。使得一當匈奴。令其不敢南牧。遺中國十數年之安。計之。次也。不得已與臣三萬。非敢必有功。完繕收保。以待虜。

來伺有可乘。因而擊之。計之下也。如以臣言紕謬。令
臣沿襲故事。所將不踰萬人。而緩急無益于事。臣卽
不自愛。謂國威何。惟乞 聖明矜察。施行邊方。幸甚。
臣愚幸甚。一練兵。今之兵外則九邊原設。邊軍與入
衛民兵。內則三大營軍。與四省班軍也。民兵改而徵
銀。班軍充乎工作。其邊兵則擺守邊牆。夫擺邊之設。
須駐重兵以當其長驅。而又乘邊墻以防其出沒。方
爲完策。乃今守要旣無重兵。其界惟恃一墻。相去數
丈。僅列一卒。虜卽輕騎入犯。猶不可支。况大舉乎。第

相沿日久。如遽撤之而虜猝來。誰任其咎。况邊兵志氣銷沮。憚虜積威。終不可化。責以成效。不亦難乎。其京兵則恃承平日久。竄身豪門。本業久廢。非若國初百戰精銳之士。不惟淪浹難變。抑且沮格不行。外此惟召募之途。而有家者多不應募。其應者皆無籍之徒。不嚴則不可用。嚴則苦其不堪。相引而去。未見其便也。求其可語節制者。莫如父子兵。可與共任者。惟良有司。夫有司分土分民。親則父子。尊則師帥。丘廬墳墓。悉入版圖。兵甲錢糧。皆可取給。蓋能制其死

命而後可得其死力也。倘不以臣爲過計，容臣會同
譚侍郎通將強勁堪出兵邑分若干處，備查才堪牧
御，不拘科甲與見任廢棄，相應邑令者若而人，及臣
舊部將與新訪堪任將領者若而人，列名奏取赴京，
與臣等歆盟同心共濟，其各縣令訪求境內豪傑義
勇，預加優恤，仍先調原練烏台兵一萬投以戰陣機
宜，期以半年入毅。比時各縣政化洽而民心歸，乃分
投各將領赴各縣同縣令募兵三千，卽以縣令監督
州縣每不經
以將領統之，就彼依法訓練，通侯一年各有成驗，乃

心以老弱應募故欲其自募自督耳

調近京地方合練之。由是分訓邊兵。九邊之兵精矣。由是間置京兵。與之習效。京營之兵精矣。如或不效。臣甘欺罔之誅。况縣令監兵。尤有便益。卽有逃避。在伍可以究其父兄。在籍可以係其妻子。召之集則不敢後期。率之歸則不敢生擾。徃臣練義烏兵。卽與該縣趙大河同事。及赴台亦以大河監督。故軍法雖嚴。不敢逃避。士心咸服。而無怨咨。此已試之明效也。其各縣官。不必作缺。另委署事。回軍之凡。照舊供職。論功叙遷。庶責成有定。分無所逃。而統體相維。心亦無

解也。如以責專城社，難以監征。或每府以府佐一員，總其縣兵，或每省以兵備一員，監其募練。而仍嚴責縣官同心共濟，爲勅集之計。撫循室家于調後之時，亦一策也。一議食，今臣以十萬請。幸而聽臣，所費不貲。欲取辦于度支與內帑，必不能給。宜取練兵該省，應解錢糧，各給其半。俟調集之日，通計該省兵若干，預備二年之食。于解京銀徵足，奏委二司官一員收押，隨兵支給。又將支過若干報部，聽令處補。旣免空虛之患，亦無轉運之難。度爲兩便，一制器，夫虜之長

技在衝突。我之所短。在不能用車。然行之不效者。制度不合。輕重失宜。或載兵仗而不利。長驅。或駕以牛馬而不能當鐵騎。况無數萬之衆而輒用車。是自弃也。若臣所利用者。首則戰車。鳥銃。百子銃。次則火箭。珠筒。次則藤牌。長刀。各負鐵背。次則悶棍。各帶鐵胸。其製造不必仰給工部。惟分行各省。廣東出藤牌。則造牌。福建出刀。則造刀。浙江精鳥銃。則造鳥銃。戰車百子銃。就近山東西河南造之。卽將各省歲造。盔甲弓箭等停止。改造前器。一年之數不足。預借二年三

年。或借布政司銀與撫按贓罰。仍聽臣取舊用請贖。實心做事之人到京。授以方略。分投委發。以彼省監司一人管錢糧。都司一人管造局。如無堪任。另選諸習者任之。造完卽令押解赴營。或不堪用。各官盡產賠償。必不假貸。則器皆可用。而動有成功也。一均賞罰。夫制勝旣需羣策。而功賞當及勞臣。功成之日。監督二司。及監造都司。與監兵知縣。各照所管分別輕重。不次超擢。非大故不得指摘瑕疵。致仕之日。功陞級俸。支與終身。仍錄其子姓。其各省巡撫并各該守

巡及府縣佐貳一體論功以爲共事之勸。此賞格也。至于責成委任更乞勅諭吏部都察院通行各官務用心奉國毋持異見毋敗本謀或姑息小民視邊事如秦越或士旣成列假勾攝以亂其行或官能任事倡亂言以孽其短有一于斯卽行叅究或私受風旨故爲阻撓給餉不時訓練無效隨卽坐罪不貸其各縣旣有責成卽有人言誓免論劾俟有成績然後殿最之。蓋事干多官本難齊一故臣不患禦虜之難而患聯合協濟之不易也。則不憚于喋喋者凡以是耳。

練兵條議疏

隆慶戊辰
副練南兵

該總督侍郎譚綸上言邊事以臣爲總理、輒蒙俞允
責以訓練、置之邊鄙、臣于是單騎赴任、用夏及冬、
勉視事、已幾八月、其所以仰紓 皇上宵旰之憂、
副 有司期望之厚、申共事者驅馳之義、此其時矣、復何
恐喪其心志、寄漏舟而胥溺、巢炎棟而待焚哉、特僭
以軍務之狀、別爲數端、雖多亦少之原有七、不練之
失有六、雖練無益之弊有四、而繼以邊事可憂之勢
因形戰守之宜、敬爲 皇上陳之、何謂雖多亦少、夫

今之憂薊事者。不過曰兵不足。食不足耳。以臣計之。見今薊之主客兵將及十五萬。除客兵數分之一。乃不爲戎而爲匠。且盡廩役供辦等項。而荷戈者纔十之四五。有時黠閥。暫執軍器以應名。平居練習。悉恃將領以偷安。惟老弱之卒。赴邊其冒名頂替。腹糧肥已者。又不知幾何。所謂雖多亦少者一也。緣邊鮮郡。邑驛遞而經由者。莫不資其夫馬。卽查盤查邊督工。差委絡繹不絕。則營堡關塞儼一驛遞傳舍也。至如架砲守墩。尖夜守塚。應援等兵。一遇諸司並臨。撥充

夫馬猶且不足。所謂雖多亦少者二也。各關寨相夫有百里二三百里者。遇賊入寇。上司調遣。不計遠近。不約程限。將領畏恐督責。捲甲疾馳。瘠人瘦馬。喘息無暇。豈能禦虜。况一時不能遽集。所謂雖多亦少者

班軍之無益尤甚。不知折

三也。各省班軍四萬有奇。到邊則分守于各區。將領

該省行偵以餉土兵

留于鎮城。回則聽其散漫。惟入邊始一識軍面。約束不明。行伍不整。張空拳而無裨實用。所謂雖多亦少者四也。步兵不能趨急。馬兵臨陣。皆舍馬藏于林藪。卽人控三馬。亦占軍一千。不得向敵。况又多不在軍

者所謂雖多亦少者五也。厚養家丁。而以營軍充其

今邊將多以家丁致勝

役。馳其馬。且聽其騷擾。廢軍食而供之家丁。盛而軍

終非治本計也

心離矣。苟能使軍為家丁。其力孰眾。所謂雖多亦少

者六也。薊十區。延袤二千餘里。每一塚二三軍守之。

無所不備。則無所不寡。如險不能犯。處止需墩哨守。

望而併軍于衝所。則何患其寡哉。所謂雖多亦少者

七也。何謂不練之失。賊至墻。必肆攻打。我兵亦乘墻

角力。而後能守。非平日號令嚴明。孰肯用命。不惟戰

需陳亦必練。而後能守。此不練之失一也。守險全恃

火器。乃悉皆掩臥塵土間。叩之則云俟報警方給。問其用。咸曰不能。此不練之失二也。十區軍皆土著。取而練之。誰爲守哨。棄此不講。遠求各省竭力入衛之兵。此不練之失三也。入衛之兵。因循日久。該省旣無暇于教練。而戍地復嫌于非屬。縱手足精強。而器具不精。號令不習。此不練之失四也。順天八府班軍民。兵于薊皆土著之選。教之未必無用。乃以四萬衆而委之于不教。此不練之失五也。練兵者將也。今日用將以勇爲上。夫勇一人敵耳。未可與言練兵也。此不

練之失六也。何謂雖練無益。以火器言之。一銃數子。

脚踏銃而發。惟求分數。不念臨陣之空否。甚而一營

之軍。以十分之七充銃手。不知五兵以長衛短。以短

火器可為奇兵。不可為正兵。

衛長。所謂雖練無益之弊一也。三軍之事。鎗刀鈎棒。

皆有用法。他如司金鼓者。亦有起止緩急之節。今皆

置之不聞。所謂雖練無益之弊二也。今之懾虜者。火

器耳。然惟邊銃快鎗二者。且製造不精。放演無法。外

此則弓矢耳。夫弓矢不强于虜。且虜堅甲。批鏊矢不

能貫。所謂雖練無益之弊三也。教練之法。自有正門。

須求經練之人。始有實用。苟或用私智以取予。任喜怒以高下。皆虛應故事耳。所謂雖練無益之弊四也。何謂邊勢之可憂。夫蘄邊天險。所貴在守。而有不能者。區軍不練。邊軍多逃。入衛客軍。牽制于馬。在彼窺間無時。在我乘墻有限。萬一虜中有謀。如譚侍郎所云。深入而久住。禦之不能。驅之無術。此皆我坐積弱。彼成積威。及今不大爲之計。將來之變。有不可知者。何謂因形戰守之宜。蘄鎮之地有三等。平易交衝。腹裏百里以南之形也。半險半易。近邊內地之形也。山

谷狹隘。林莽翳翳。邇外迤北之形也。形勢旣殊。而因形措勝之法。亦必各異。况虜馬入內地。聲勢聯絡。志氣精專。角力平原。固未逆覩。而兵法有云。未定可擊。又云。出其不意。每胡騎初臨我邊。山谷崎嶇。騎不成列。首尾不顧。此非未定可擊之時乎。及入犯內地。搶掠已厭。滿載而歸。無復部伍。此非出其不意之時乎。當此果有練成步兵萬數乘之。蔑有不勝者。而虜入平原。莫過車戰。在近邊。莫過騎戰。在邇外。莫過步戰。三者俱備。迭相爲用。然三者中。又惟未定與不意爲

平地。利騎。而中國之馬不能如虜。惟

可勝而西北邊素習于馬未閑山谷與林戰之法臣

乘險步擊

高長枝

少保

所以致用

南

昔在南方倭俱巢重山疊險密林深谷而浙兵俯攻

仰鬪無有不勝此臣躬試非臆說也。即使其乘墻而

守亦惟浙兵而守可固。何則南省邑城高不逾丈厚

止數尺復無墩塹偏坡之險賊動以萬數圍之且鳥

銃發無不中。呂公車高逾于城而以浙兵千人守之

累月不下。今邊墻既高臨下復有偏坡雜以品坑使

以浙兵守之未有不固者。至于鳥銃已調到三千分

發防秋伏望

勅下廷臣傳議再于浙兵內取殺手

三千烏銃三千或于西北招募新兵或就薊鎮捕取見兵卽不十萬亦須馬足五枝步足十枝專聽臣統練與薊防無碍俟合練成凡遇春秋兩防臣將二萬分布相近乘守萬一疎虞致使突入臣卽通行聚合截殺不惟薊省入衛之費而各邊亦免空虛之憂斯

嘉靖中每年調延寧宣大之兵以防薊鎮

故也

戰守咸備一舉而四利矣其應用犒賞并修整兵車火器議于何項措處聽臣取用乞仍將臣前開七原六夫四弊逐款作何改圖嚴督文武邊吏分任責成戰守並舉庶練兵之寄不爲虛文臣又竊惟邊事本

有可爲之勢。但其機不在邊鄙而在朝廷。不在文

一刺鎮之見

遠以延

武疆吏而在議論掣肘。蓋前鎮切近京都。法令久弛

邑而洞。繁常多。辨。禁之難。于。治。遠亦以。近京而浮

弊痼既深。更張未易。流言潤淆。朝議紛拏。故應區

議易起

處振飭者。畏衆議而逡巡齟齬。或施行方半。人言偶

乘。首尾顧忌。實難展布。易起嫌疑。如蒙皇上允行

臣策。受成鼓舞。在于總督。再乞監軍科道一員常川

監督。容臣教練。及期而用之。未有不效者。如以臣言

紕謬。且力誦舉。瀛竟從沮格。乃徒使臣沿襲故事。乾

沒時流。虜至則踉蹌而避。虜歸則捕拾以爲功臣

皇明經世編

卷之二

身
言
語

平
秀
光

直慤無知誠不能也。